

Powšitkowne WOZJEWJENJA

njedźelu, 13. apryla 2025

Přiležnosć k swjatej spowědži w Róžeńće

wutoru, 15. apryla
18.30 – 19.30 hodź.

farar M. Anders, farar G. Wornar,
farar G. Nawka, pater J. Müller

Kóždu sobotu do Božeje mše za lud a kraj, kotraž so we 8.00 hodź. započina, je přiležnosć k swjatej spowědži.

Křižowy puć dekanatneje młodžiny

Křižowy puć modli so dekanatna młodžina bołmončku, 13. apryla, w Nuknicy. Wón steji tónraz pod hesłom „Na Twojim puću“. Započatk je w 14.00 hodź. při tamnišej kapałce. Młodostni njech sej Wosadnik, młodžinski spěwnik, šmóratko a swój wosadny młodžinski baner sobu přinjesu.

W Budyskim wopomnišću „Wulki pjatk rozpominać“

Pastoralny wotrjad za dźěći, młodostnych a swójby Drježdžansko-Mišnjanskeho biskopstwa přeprašuje w tomu, w Budyskim wopomnišću na Weingangowej „Wulki pjatk rozpominać“. Zarjadowanje zahaji so wulki pjatk, 18. apryla, w 10.00 hodź. Na nim chcedža na horjo woporow diktaturow a namócného knjejstwa w 20. lěstotku a džensa spominać. Wopomnjenske zarjadowanje nawjedujetej Guido Erbrich a Sebastian Kieslich. Po tym móža sej wšitcy trajnu wustajeńcu wobhladać. Wšitcy zajimcy su k tomu wutrobnje přeprašeni, měli pak hižo w 9.50 hodź. před wopomnišćom być. Přizjewjenje njeje trěbne. Zastup je darmotny.

Haydnowy pasionski cyklus

Smochčanske kubłanišćo swjateho Bena přeprašuje na pasionsku hudźbu ze smyčkowym kwartetom Budyskeho Serbskeho ludoweho ansambla. Na programje wulki pjatk, 18. apryla, w 19.30 hodź. steji twórba „Sydom poslednich słowow našeho Wumóžnika na křižu“ Josepha Haydna (1732–1809). Wšitcy zajimcy su wutrobnje přeprašeni. Zastupne lisćiki móža sej hižo nětko kupić. Link je pod www.posol.de wozjewjeny.

Křižowy puć w Jiřetínje pod Jedlovou

Na rozpominanje křižoweho puća z tekstami českeho basnika Milana Hrabala su wěriwi a zajimcy wulki pjatk, 18. apryla, w 15.30 hodź. do českeho Jiřetína pod Jedlovou njedaloko Varnsdorfa přeprašeni. Milan Hrabal a Martin Louka přednjesetaj teksty tež w serbskej rěči. Wšitcy su wutrobnje přeprašeni.

Prózdnińska jězba za 5. do 8. lětnik

Dekanatne dušepastyrstwo za dźěći a młodžinu we Worklecach přeprašuje šulerki a šulerjow nětčišich 5. do 8. lětnikow w lěčnych prózdninach na jězbu do Zehrena blisko Mišna. Wona wotměje so wot póndžele do pjatka, 21. do 25. julija. Swójski přinošk na wobdźělnika wučinja 115 eurow. Přizjewjenja přijimuju so hač do njedžele, 18. meje, online. Link na wotpowědnu stronu je pod www.posol.de wozjewjeny.

Prewentiwne kubljanje na polu wotwobaranja seksualizowaneje namocy

Wotwobarać seksualizowanu namóc je wažny wobstatk džěła z džěćimi a młodžinu we wosadach. Zaměr je, nowu kulturu wzajomneje zhromadnosće wuwivać. Za to su prewentiwne struktury a procesy trěbne. Worklečanske dekanatne dušepastyrstwo za džěći a młodžinu poskićuje k tutej temje kubłani po pónđzelomaj 19. meje na Ralbičanskim „Radlubinje“ a 2. junija we Worklečanskim Don Boskowym domje, stajnje wot 18.00 do 21.00 hodž. Wšitcy pomocnicy na nabožnych prózdninskich dnjach we wosadach, ale tež dalši čestnohamtscy, kotřiž maja tam zwisk z džěćimi a młodostnymi, na přikład w sakristiji abo ze šolu, su na jedne ze zarjadowanjow wutrobnje přeprašeni. Ličba měštnow je wobmjezowana. Přizjewjenja přijimuju so jenož online. Link k tomu kaž tež k dalšim wažnym informacijam je pod www.posol.de wozjewjeny.

Sabina Lanzyna, referentka za pastoralku džěći

Pytaja kubłarku abo kublarja w Radworju

Katolska wosada Marije kralowny różowca w Radworju pyta za swój džěćacy dom „Alojs Andricki“ ručež móžno kubłarku abo kublarja. Požadanja přijimuju hač do srjedy, 30. apryla. Link k nadrobnišim informacijam je pod www.posol.de podaty.

Za wulět samostejacych so nětkole hižo přizjewić

Wulět samostejacych ze serbskich wosadow budže štwórtk, 22. meje, a powjedže do Drježdžan. Wšitcy su wutrobnje přeprašeni. Zajimcy měli so jara bórže w redakciji Katolskeho Posoła, telefonowe číslo 0 35 91) 55 02 12, přizjewić, dokelž móže so jeničce 40 wosobow wobdžělić. Tónraz njech na to mysla, personalny wupokaz na wulět sobu wzać. Při přizjewjenju měli zdobom mjeno w němskej řeči, cyłkownu adresu, datum narodženja kaž tež telefonowe číslo podać.

Putnikowanje młodostnych do Roma

Bamž Franciskus je wšitkich młodostnych na tydžeń młodžiny do Roma přeprašył. Tón ma so w formaće swětoweje zetkanja młodžiny wotměć. Młodostni su přeprašeni so na putnikowanju z biskopom Heinrichom Timmereversom wot wutory, 29. julija, do pónđzele, 4. awgusta, wobdžělić. Nimo Roma je Assisi jedna ze stacijow. Zajimcy měli so hač do srjedy, 30. apryla, online přizjewić. Link k tomu kaž tež nadrobny program nańdu pod www.posol.de.

Modlenje w Róžeńće

Na modlenje różowca a před Najswjećišim su wěriwi sobotu, 26. apryla, we 18.00 hodž. do Róžeńčanskeje hnadowneje cyrkwy přeprašeni. Pačerje budu w serbskej a němskej řeči spěwane.

Požohnowanje motorskich

Popođnjo z požohnowanjom motorskich zahaji so njedzelu, 4. meje, w 14.00 hodž. z nyšporom w Ralbičanskej cyrkwi. Přizamknje so zhromadny wulět.

Serbska putniska jězba

Na serbsku putnisku jězbu do Weserskich horin wot pónđzele do štwórtka, 14. do 17. julija, přeprašuje Radworske Šmitec-Schwarzec busowe wozydłownistwo. Duchowny nawod změje farar Gabriš Nawka. Přizjewjenja přijimuju w Radworju, telefonowe číslo (03 59 35) 28 60.

Zawod do tematiki lětušich nabožnych prózdninskich dnjow

Drježdžansko-Mišnjanske biskopstwo poskićuje tež lětsa zaso zawod do tematiki nabožnych prózdninskich dnjow. Prěnje tajke zarjadowanje budže pónđzelu, 28. apryla, wot 18.00 do 21.00 hodž. na Budyskej farje. Dalše su po wutorach 29. apryla w Kamjenicy, 13. meje w Lipsku a 27. meje w Drježdžanach planowane. Zdobom poskića zamołwići zawod tež online, a to štwórtk, 15. meje. Přizjewjenja přijimuju online. Link je pod www.posol.de podaty.